

讀書偶記

讀書偶記 卷七

涇縣趙紹祖琴士學

孫同璋校

荀子非相

荀子非相篇曰相人古之人無有也學者不道也古

者有姑布子卿

楊倞註相趙襄子者

今之世梁有唐舉

楊倞註相李兌

蔡澤

案荀子之言雖正然謂古之人無有又謂古者

有姑布子卿是言自此以前無相人之說矣呂氏春秋有云臣嘗聞相人之師又曰荆有善相人者莊子子綦有八子陳諸前召九方歆曰爲我相吾子孰爲

祥歎曰梱也爲祥莊子呂不韋所言固姑布之後若國語左傳所載則在姑布之前矣國語簡王八年魯成公來朝使叔孫僑如先聘王孫說言於王曰其狀方上而銳下宜觸冒人王其勿賜左傳楚巫裔似謂成王子王子西皆將強死令尹子上謂商臣蠡目而豺聲子文謂越椒熊虎之狀而豺狼之聲叔向母聞叔虎之聲遂不視申叔跪遇巫臣而知其竊妻以逃其尤明著者公孫敖聞內史叔服能相人見其二子曰聞其能相人則相人之法必又在前矣荀子歷舉長短大小美惡以非相是形狀之末固未足以服相

人者之心而屈其說也

王莽曹操皆同姓爲婚

王莽自以爲黃帝後自姚而嬀自嬀而陳自陳而田自田而王故禁元城王氏不得與姚嬀陳田四姓爲婚而自娶王咸女爲妻案王訢傳咸卽訢之孫濟南人也莽傳遣騎都尉囂等分治伯王於濟南東平陵孺王於魏郡元城師古註曰莽高祖名遂字伯紀曾祖名賀字翁孺故謂之伯王孺王元后傳伯紀處東平陵翁孺與東平陵終氏有怨徙魏郡元城據師古註東平陵爲濟南地則莽之曾祖方自濟南遷於元

城王莽不禁濟南王氏與四姓爲婚而獨禁元城蓋
自諱其娶王咸之女也魏志云曹騰爲中常侍養子
嵩莫能審其生出本末裴松之註曰吳人作曹瞞傳
及郭頒世語並云嵩夏侯氏之子夏侯惇之叔父太
祖與惇爲從父兄弟而惇之子楸尙清河公主淵之
子衡從子尙皆娶曹氏女蓋操自諱其爲夏侯氏之
子也承祚雖云莫能審其生出本末而首傳曹氏之
臣乃以夏侯及曹雜叙而評云夏侯曹氏世爲婚姻
此明示其用意而曹瞞傳世語之言信矣張晏註王
莽傳譏莽之娶同姓而師古爲辨其誣近世何義門

亦謂裴松之註取敵國傳聞之語其意近厚而實諱之無可諱也

雲臺二十八將及王常等四人次序

後漢書中興二十八將論其末云永平中顯宗追感前世功臣乃圖畫二十八將於南宮雲臺其外又有王常李通竇融卓茂合三十二人故依其本第係之篇末以志功臣之次云爾

太傅高密侯鄧禹

中山太守全椒侯馬成

大司馬廣平侯吳漢

河南尹阜成侯王梁

左將軍膠東侯賈復

琅邪太守祝阿侯陳俊

建威大將軍好時侯耿弇驃騎大將軍參蓮侯杜茂
執金吾雍奴侯寇恂 積弩將軍昆陽侯傅俊

征南大將軍舞陽侯岑彭左曹合肥侯堅鐔

征西大將軍陽夏侯馮異上谷太守淮陽侯王霸

建義大將軍鬲侯朱祐 信都太守阿陵侯任光

征虜將軍潁陽侯祭遵 豫章太守中水侯李忠

驃騎大將軍櫟陽侯景丹右將軍槐里侯萬修

虎牙大將軍安平侯蓋延太常靈壽侯邳彤

衛尉安成侯姚期 驍騎將軍昌成侯劉植

東郡太守東光侯耿純 橫野大將軍山桑侯王常

城門校尉朗陵侯臧宮 大司空固始侯李通

捕虜將軍揚虛侯馬武 大司空安豐侯竇融

驃騎將軍愼侯劉隆 太傅宣德侯卓茂

案上下兩列其次序係橫看觀王常李通竇融卓茂
四人俱在下列之末可見通鑑依此爲叙本不誤而
王伯厚玉海上下直叙將王常等夾於其中反謂通
鑑之次爲誤殊不細也

三國志註所引書名

陳壽三國志過簡得裴松之註始詳而古書之名賴
以傳者不少余嘗逐卷鈔出後見錢竹汀先生攷異

已有之便欲不存洪穉存太史曰錢氏不能無遺或據而補之可也因取原鈔增註錢有錢無字以示不相襲之意

王沈魏書

錢有

司馬彪續漢書

錢有

曹瞞傳

吳人作錢有

郭班

世語

班一作頌隋志作魏晉世語錢有

張璠漢紀

錢有

孫盛異同雜語

書中或引作異同記又作雜記錢有又作

司馬彪九州春秋

隋志曰記漢末

事錢有

英雄記

隋志作漢末英雄記王粲撰錢有

謝承後漢書

錢有

張超

集

錢有

魏文帝典論

錢有

韋曜吳書

錢有

袁曄獻帝春秋

錢有

獻帝紀

隋志曰劉艾撰錢有

魏武故事

不詳撰人隋志有漢魏吳蜀舊事八卷或是其

中一書

魏畧

唐書藝文志有魚豢魏畧五十卷錢有

孫氏魏氏春秋

錢有

習鑿齒漢晉春秋有錢獻帝起居注不詳撰錢褒賞令不詳

撰人傅子隋志曰傳先賢行狀不詳撰人唐書藝文

錢狀無三衛恒四體書勢序有錢皇甫謐逸士傳有錢山陽

卷錢有公載記隋志曰樂虞溥江表傳有錢典畧隋志曰魚豢

魏畧爲劉艾靈帝紀有錢孔衍漢魏春秋有錢王粲序無錢

一書獻帝傳不詳撰人錢有司馬彪序傳錢無或即王隱晉書有錢

三輔決錄註岐撰摯虞註錢有王昶家誠無錢張華

博物志有錢袁宏漢紀有錢干寶搜神記有錢曹植集有錢魏

郊祀奏唐書藝文志有魏氏郊胡冲吳歷有錢魏末傳

不詳撰干寶晉紀亦作晉顧愷之啓蒙註有錢魏名臣

人錢有讀書偶記卷七

奏

隋志有魏名臣奏事

母邱儉志記

隋志有母邱儉記三卷不詳撰

人錢

異物志

隋志有異物志一卷又有交州異物志一卷皆楊孚撰疑本一書而重出錢有

孫盛魏世籍

籍一作魏高貴鄉公集

傳暢晉諸公

贊

錢有楚國先賢傳

隋志作楚國先賢傳贊張方撰錢有

鄭康成別傳

錢有

蔡邕明堂論

錢無華嶠漢書

風俗通

隋志作風俗通儀應劭撰錢有

漢末名士錄

不詳撰

司馬彪戰畧

錢有零陵先賢傳

不詳

撰人摯虞文章志

別一作文章流

徐衆三國評

隋志曰徐爰撰

今案本書言徐衆非一唐

晉陽秋

隋志曰孫盛撰錢有陸機晉

惠帝起居注

錢有文章叙錄

隋志有雜撰文章家集

張

隱文士傳

隱一作

夏侯湛魯芝銘

錢無

皇甫謐列女傳

錢晉武帝太始元年詔錢無或所引荀綽冀州記有

兖州記也錢有平原彌衡傳錢無此當在潘勗荀彧碑文錢無孔

融與韋康父端書孔融集中荀彧別傳有錢荀氏家

傳有錢何劭荀粲傳有錢荀勗別傳有錢袁氏世紀有錢邴原

別傳有錢皇甫謐高士傳有錢庾氏譜有錢晉百官志卷十

百官名志卷十六又作晉百官名隋志陸氏異林不

有晉百官名卷三十卷當是一書錢有華嶠譜叙錢無列異

河說如此則陸雲之猶子也錢有華嶠譜叙列異

傳帝與錢有王朗家傳有錢王朗集有錢何晏論語集

解無錢晉武帝中經簿隋志曰荀程曉別傳有錢王弼傳

卷二十八註云何蔣濟郊議稱曹騰碑錢無魏武家傳

錢孫資別傳有錢孫氏譜有錢山濤啟事有錢金谷集無錢杜

氏新書有錢阮氏譜有錢孔氏譜有錢王隱蜀記有錢陰澹魏

紀有錢曹志別傳無錢嵇氏譜有錢曹嘉遺石崇詩無錢曹翕

解寒食散方隋志無錢曹袁子隋志作袁子正摯虞決

疑要註有錢嵇康譜錢無或即虞預晉書有錢山濤行狀

錢嵇康別傳有錢嵇康集有錢吳質別傳有錢潘尼別傳有錢

潘岳別傳有錢劉廙別傳有錢劉氏譜有錢王彪之與殷浩

書隋志有晉光祿王彪之集二繆襲仲長統昌言表

隋志有魏散騎常侍繆襲集無錢廬江何氏家傳有錢晉公

卿禮秩故事隋志曰傳晉太康三年地記有錢陳氏譜

錢傳咸集錢盧諶別傳錢汝南先賢傳隋志曰周王

氏譜錢陳留耆舊傳隋志曰蘇夏侯湛辛憲英傳隋志

有晉散騎常侍夏侯湛集十卷此應璩書林錢潘岳

與魯芝銘皆當是其中所有錢無郭林宗傳錢任嘏別傳錢

集錢郭氏譜錢胡氏譜錢郭林宗傳錢任嘏別傳錢

母邱儉文欽表錢文欽與郭淮書錢文欽降吳表錢

以上三事當出鍾會為其母傳隋志有司徒鍾會九

一書今無所攷錢咸熙元年百官名錢無咸熙魏元帝紀元此傳元

馬鈞序錢華佗別傳錢管輅別傳隋志曰管左思魏

都賦錢陳壽益部耆舊傳錢益都耆舊雜記錢藝文志

日陳壽撰錢氏曰蜀陳術魏臺訪義隋志作魏臺雜

撰字申伯蓋據華陽國志訪議高堂隆撰

賣書蜀已卷七

錢華陽國志隋志曰常璩撰錢有諸葛亮集錢有蜀本紀隋志曰楊雄撰

錢葛洪神仙傳錢有孫盛蜀世譜錢有崔氏譜錢有襄陽記

不詳撰郭冲五事錢無或在王隱蜀記中諸葛氏譜錢有晉泰始

起居註隋志曰李軌撰錢有晉百官表錢有張儼默記錢有趙雲別

傳錢有張勃吳錄錢有蔣濟萬機論錢有曹公集錢無帝王世

紀隋志曰皇甫謐撰錢有傅暢裴氏家紀錢有孫綽評錢有費禕別

傳錢有殷基通語錢有左思蜀都賦錢有虞喜志林錢有會稽

典錄隋志曰虞預撰錢有王範交廣二州春秋錢有庾闡揚都賦

錢葛洪抱朴子錢有會稽邵氏家傳錢有三朝錄錢有陸機

顧譚傳錢無環氏吳紀唐藝文志有錢有虞翻別傳錢有

姚信集有錢陸氏世頌有錢陸氏祠堂像贊有錢機雲別傳

有錢胡冲答問無錢禮論唐藝文志有任預王隱交廣記

有錢諸葛恪別傳有錢凡一百八十餘種錢氏曰其與史

家無涉者不在數內今案書內所引諸經及前代史

與諸子字書等類用以釋文義攷舊典者又四十餘

種固可畧而不道也

陶詩書甲子

汲古毛氏所刻摹宋蘇文忠手書淵明集近丹徒魯

太守子山銓名來為寧國府知府重刻於郡齋余得一

本其後有宋治平中思悅跋思悅虎邱僧也見其第

三卷首思悅題云文選五臣註陶淵明辛丑歲七月赴假還江陵夜行途中詩題云淵明詩晉所作者皆題年號入宋所作但題甲子而已意者耻事二姓故以異之思悅攷淵明之詩有以題甲子者始庚子距丙辰凡十七年間祇九首耳皆晉安帝時所作中有乙巳歲三月爲建威參軍使都經錢溪作此年秋乃爲彭澤令在官八十餘日卽解印綬賦歸去來辭後一十六年庚申晉禪宋恭帝元熙二年也蕭德施淵明傳云自宋高祖王業漸隆不復肯仕於淵明之出處得其實矣寧容晉末禪宋前二十年輒云耻事二

姓所作詩但題甲子而自取異哉矧詩中又無有標
晉年號者首所題甲子但偶記一事耳後人類而取
之亦非淵明之意也世之好異者多尙舊說今因詳
校故書於第三卷首以明五臣之失且祛來者之惑
焉前明宣城梅禹金所刊六朝詩乘於淵明詩首極
推思悅之論爲是梅氏在汲古毛氏前其所見當是宋本又宋景濂集
中有淵明像跋亦見及此而王漁洋池北偶談引傅
平叔辨其意亦同而漁洋盛稱以爲發前人所未發
蓋未見思悅之論也余謂淵明文章晉標年號宋書
甲子宋書實爲此說南史亦同惟晉書刪此語而李善取以

註文選五臣更引伸之卽如思悅之論亦非五臣之失但沈約工詩旣去淵明不遠李善最博未必耳食爲言此二公當非不見淵明集者使淵明集中書甲子者僅此九首又皆在晉時而無標晉年號者此亦開卷可得而何作此言余意集中所書年號甲子轉相傳寫必爲後人所刪去而此數首者特刪之未盡耳且淵明未必首首題年號甲子不過於一年所作之前題之如飲酒讀山海經等使題云某年號某甲子飲酒讀山海經成何等語耶此數首特記一事故書甲子於題首而是歲中所標年號必在前矣後人刪而去之而此數首之甲子以在題上故不刪此情理自然可想而知者也未可便以爲宋書文選註之失也若後人習用舊說陳陳相因誠

不免爲思悅所譏而黃魯直詩甲子不數義熙前與
註不合其用意更晦至謝疊山謂劉裕自庚子得政
淵明書甲子始此蓋逆知其末流所必至此固強爲
之說而何義門欲改文選註以爲當云自永初以來
不書甲子鑿空爲說尤可異也

東坡用事之誤

甕牖閒評云東坡作除范純仁右僕射制云得臣奉
已而不在民若以左氏傳攷之乃薦呂臣非得臣也
又作呂公著除司空制云仁莫大于求舊書人惟求
舊恐非仁字殆傳寫之誤耳余老友曹懷吾

名世曰

讀書偶記

卷七

昔人謂眉山每有所作雖爛熟典故必令兒輩檢閱然後出之然作二疏贊云孝宣中興以法馭人殺蓋韓楊蓋三良臣先生憐之振袂脫屣使知區區不足驕士攷二疏去時三人尙無恙也甕牖閒評曾載其數條不知何以錯誤若此余案懷吾所言二疏贊誠誤若呂臣誤爲得臣此必傳寫之譌至仁人二字則古人多通用之中庸仁者人也孟子曰仁也者人也論語井有仁焉後漢書吳祐傳引論語觀過斯知人矣初學記太平御覽引論語皆云孝弟也者其爲人之本與唐契苾明碑先仁而後已書人爲仁人場德

字又書仁爲人足見二字通用東坡未嘗誤也

余後見張溟雲谷雜記有云陳君舉史評二疏出關於趙蓋韓楊駢死之際案元康三年廣受去位獨趙廣漢之死在元康元年餘皆去後始誅然東坡亦有殺蓋韓楊之語其誤不獨陳也是懷吾所說前人已言之者

睢陵家丞

錢氏養新錄中有云翁氏兩漢金石記載一印文曰睢陵家丞無印字漢郡國志睢陵不言侯國翁亦疑而不決予攷晉書王祥封睢陵公公國有家丞一人

則此印必是晉時物案印之爲漢爲晉不可知然謂漢郡國志不言睢陵侯國而決其爲晉物則未可定也班地理志所載侯國皆是孝平時見存之國若睢陵至孝平時國爲縣矣攷張耳傳元光中復封偃孫廣國爲睢陵侯功臣侯表作廣孫薨子昌嗣太初中昌坐不敬免功臣侯表作太初二年坐爲大常乏祠免史表雖作睢陽與傳不同然亦未可定不當以續漢書郡國志不言侯國而決兩漢之無是物也

古文孝經孔氏傳

近有得孝經孔氏傳於日本者前有其國太宰純序

末稱享保壬子梓行歛鮑君以文考定爲康熙十一年而首梓之以冠其知不足齋叢書一時諸儒翕然信之余案聖治章故親生之膝下以養父母日嚴先儒亦有疑此句之未順者然語自可通今改爲是故親生毓之以養父母日嚴何等俗惡而語反不可通又父母生之續莫大焉卽在此章今乃增爲父母生續章而改爲續莫大焉父母生子以功績論何等可笑而父母生續是何語言其孔安國序稱先君孔子又稱夫子又自言諸儒反云孔氏無古文孝經一切夢語更爲鄙俚所當削而投之不可置之案上以汚

几席也

孟子外書

李贊庵函海吳稷堂藝海珠塵皆刻有孟子外書四篇近崇明施彥士集逸文一卷以附其後而總刊之其用心可謂勤矣然於此亦可見此四卷之非真本而爲後人之所收輯而增益者也古文尙書之疑實始朱子然人心道心四語本無大弊故朱子用以作中庸序近世閩百詩惠定宇本旌德梅氏之說以爲出于荀子而攻之不遺餘力亦可謂多事矣後世學者欲闡而明之何患無辭不可更作僞以益其僞也

此書卷二中有一章云子上謂孟子曰舜之誥禹曰人心惟危道心惟微惟精惟一允執厥中子其識之使書中無此四語而孟子不知則子上於何書得之使書中有此四語則孟子讀書豈有不知而待子上之獨舉此而語之也前旣無所因而發後又無所聞而明而曰子其識之亦索然而寡味矣其爲僞也決矣

至游子

余於金陵市上買得舊本至游子二卷凡二十五篇不知其誰所作也吳稷堂藝海珠塵中亦有是書但

云不著撰人其前有嘉靖丙寅姚汝循序亦不言爲何人所著後以他事檢陳直齋書錄解題於卷十二中見道樞二十卷直齋云曾慥端伯撰慥自號至游子采諸家金丹大藥修煉般運之術爲百二十二篇初無所發明獨黜採御之法以爲殘生害道云始知至游子爲曾慥而是書卽其所作但不知此卽道樞中之一種或另爲一書也姑記於此以示知者又案此書內有容成篇正闢採御之術則此書或卽道樞未可知其中引清靈真人曰吾見行此而死者矣未見其生者也其言有理附識之

李鄴侯家傳

陶宗儀說郛所載李鄴侯傳文筆亦簡淨然取通鑑考異所載較之其文義全不相符竟不知誰所刪改如此則無取乎刻古書也

古文苑

近陽湖孫淵如觀察重刻古文苑余取以校前明張天如所刻百三名家則揚子雲蔡伯喈二集多有未收者誠可以補其闕矣然王伯厚玉海謂子雲有龍骨繡補靈節三銘見古文苑而此本無有則亦非全書矣

用韻

四聲起而詩道微沈約宋書謝靈運傳論云夫五色相宣八音協暢由乎元黃律呂各適物宜欲使宮羽相變低昂舛節若前有浮聲則後須切響一簡之內音韻盡殊兩句之中輕重悉異妙達此音始可言文又云自靈均以來此秘未覩至於高言妙句音韻天成皆暗與理合非由思至張蔡曹王曾無先覺潘陸顏謝去之彌遠嗚呼豈知妙達此旨者潘陸顏謝追之無從張蔡曹王不復嗣響乎

自宋以來言古韻者兩家門徑之開實始於吳才老

韻補一書朱子從之以釋詩凡補入一字旁徵博引必使其信而有徵此其得也然亦有不可從者且以二南言之誰謂女無家何以速我獄家字叶音谷誰謂女無家何以速我訟家字叶各空反雀角屋自成韻墉訟自成韻此句本可不韻而一詩之中何紛紛乃爾也騶虞首章虞叶牙二章虞叶五紅反其紛紛者猶之家也古人爲詩豈有律令之當遵哉此詩首二句自以葭貳蓬豸爲韻末句自以兩虞字爲韻猶麟趾章以三兮字爲韻皆不與上二句韻也此其不可從者也明陳第因韻補而作毛詩古音考屈宋古

音義顧亭林又因之而作音學五書其曰凡吳氏所稱叶者皆古人之本音此其得也然分韻爲十部以平聲爲部首而上去入從之旣嫌泛濫又以一韻之字移入各韻割併分合尤苦糾紛如東韻之弓雄熊馮改入蒸韻風楓改入侵韻余非謂弓雄熊馮之不可入蒸風楓之不可入侵也然謂本韻必無此字則不敢信也尤爲韻首而割入支車家等字但入魚虞而不可入麻亦不敢信也桃之天天灼灼其華之子于歸宜其室家必以華爲專以家爲姑不多事乎有女同車顏如舜華豈不可自爲一韻而下文琚都又

爲一韻乎詩文不知用古韻固嫌其薄然亦當擇其的確不移者而用之二家之論皆不可盡從又况毛西河五部三聲兩合兩界之說愈汗漫而無所歸乎古無韻書其出之口者皆天籟自然其間亦未必無方音今韻本於切韻而切韻祇陸法言等所定耳其間亦未必無方音詩騷用韻有限今以其四聲中曾有數字同用而舉其全部以從之則仍是信今音處多非能專信古音也故余謂用古音必當擇其信而有徵者

圍棋

韋宏嗣博奕論曰枯棋三百孰與萬人之將註引邯鄲淳藝經棋局縱橫各十七道合二百八十九道白黑棋子各一百五十枚是古之棋局與今之棋局不同也然使棋道果二百八十九則圍棋者道非填實亦安用黑白棋子各一百五十枚耶棋手勢記唐宣宗大中時日本王子來朝與顧師言奕有雙解征勢今尙有其圖而棋訣有九三十三下子之說棋經有局路三百六十有一之言則唐宋以來與今之局不異意者藝經去其四圍而言然耶後世事事不如古人獨奕棋之精則古勢非今勢之比或謂機智以漸

而開是固然矣然能此者質或庸下絕無他能必其
專心致志有不同於人者故得成其技如此世之聰
明自負而役於名利碌碌焉以終其身者可不鑒於
此而自返哉

讀書偶記 卷八

涇縣趙紹祖琴士學

孫同璋校

天下縣名相同

安徽廣西皆有太平府直隸雲南皆有趙州直隸江蘇皆有通州廣西山西貴州皆有永寧州而惟縣名相同者最多養新錄於歷代州縣相同者考訂最悉而於

本朝獨未詳焉今據嘉慶二十二年縉紳全書備列之

新城

直隸保定府

東安

直隸順天府
湖南永州府
廣東羅定州

新安

直隸保定府
山東濟南府
直隸保定府
河南河南通州府
廣東廣州府

西寧

直隸宣化府
甘肅西寧府
廣東羅定州

清河

直隸廣平府

宣化

直隸宣化府
廣西南寧府

廣昌

直隸易州府

建昌

直隸承德府
江西南康府

唐縣

直隸保定府

廣寧

盛京錦州府
廣東肇慶府

寧海

盛京奉天府

華亭

江蘇松江府
甘肅平涼府

山陽

江蘇淮安府

桃源

江蘇淮安府
湖廣常德府

甘泉

江蘇揚州府

建德

安徽池州府
浙江嚴州府

太平

安徽寧國府
浙江台州府
山西平陽府

定遠

安徽鳳陽府
四川重慶府
雲南楚雄府

懷遠

安徽鳳陽府
廣西柳州府
陝西榆林府

鳳臺

安徽鳳陽府
山西澤州府
安徽潁州府

永寧

江西吉安府
河南河南府
四川綏定府

安仁

江西饒州府
湖南衡州府
江西瑞昌府

龍泉

江西吉安府
浙江處州府
貴州石阡府

東鄉

江西撫州府
江西撫州府
四川綏定府

長寧

江西贛州府
四川叙州府
廣東惠州府

安福

江西吉安府
湖南澧州府
江西撫州府

樂安

江西撫州府
山東青州府

興安

江西廣信府府

石城

江西寧都府府

昌化

浙江杭州府府

石門

浙江嘉興府府

山陰

浙江紹興府府

海豐

山東武定府府

長樂

福建福州府府

永安

福建延平府府

永福

福建福州府府

寧遠

湖南永州府府

安化

湖南長沙府府

新寧

湖南寶慶府府

興寧

湖南郴州府府

寧鄉

湖南長沙府府

會同

湖南靖州府府

咸寧

湖北武昌府府

廣東瓊州府府

陝西西安府府

安定

陝西延安府

三水

陝西邠州府

石泉

陝西鞏昌府

大寧

陝西涇州府

虞書十二州

祭法共工氏之霸九州也其子曰后土能平九州則

九州之名遠矣虞書肇十有二州蔡傳本孔安國馬

融爲說謂禹治水之後舜分冀爲幽并分青爲營也

然漢書地理志云堯遭洪水天下分絕爲十二州使

禹治之水土既平更制九州王伯厚曰舜典肇十有

二州而後命禹平水土當以漢志爲定余按漢志本

據谷永之說

永待詔公車對云堯遭洪水之災天下分絕爲十二州制遠之道微而無乖畔

之難而左傳昔夏之方有德也貢金九牧是禹時祇九州其說固然矣但志又云殷因於夏無所變改周既克殷改禹徐梁二州合之於雍青分冀州以爲幽并說亦未盡爾雅九州冀豫離荆揚兗徐幽營郭璞注曰此蓋殷制雖古無明文而與禹貢職方金異則爲殷制無疑然則殷改夏制而周監二代而損益之也至舜流共工於幽州或者據此以爲分十二州在治水前之證此則不然孟子作幽州尚書作幽洲洲州固可同用然幽州之地大矣此幽洲當與崇山三危羽山一例不可以此爲證也

秦郡

史記秦始皇二十六年分天下以爲三十六郡裴駢
注曰三十六郡謂河南上中地三川河東南陽南郡
九江鄣郡會稽潁川碭郡泗水薛郡東郡琅邪齊郡
上谷漁陽右北平遼西遼東代郡鉅鹿邯鄲上黨太
原雲中九原鴈門上郡隴西北地漢中巴郡蜀郡黔
中長沙凡三十五與內史爲三十六郡余按漢書地
理志云本秦京師爲內史分天下作三十六郡師古
注曰京畿所統特號內史言其在內以別於諸郡守
也然則三十六郡不當數內史明矣又史記始皇三

讀書偶記

卷八

十三年畧取陸梁地爲桂林象郡南海又廢無諸搖
爲君長爲閩中郡此四郡在二十六年後自不在三
十六郡之內胡三省曰秦置楚郡班志不見按史記
楚世家王負芻五年秦將王翦蒙武遂破楚國虜負
芻滅楚名爲楚郡夫曰滅楚名何得置楚郡又始皇
本紀二十三年王翦擊荆正義曰秦號楚爲荆以莊
襄王名子楚諱之故言荆也然則所以滅楚名者以
諱楚故其必不置楚郡明矣史記注引孫檢云秦滅
去楚名以楚地爲三郡是楚世家楚郡爲三郡之譌
胡氏緣此而誤也攷漢志東海郡高帝置師古引應

劭曰秦郿郡高帝紀六年以碭郡薛郡郿郡立弟交爲楚王酈道元沂水注郿縣東海郡治秦始皇以爲郿郡則剡郡爲秦置而高帝改爲東海何疑故三十六郡當去內史而數郿郡以足之也其秦南海桂林象郡皆漢武帝元鼎六年始開南海仍秦舊名改桂林爲鬱林象郡爲日南至閩中郡則漢武元封元年虛其地而有屬會稽者班志會稽郡屬治下師古注曰本閩越地是也此四郡不在漢初三十六郡之內

漢郡

班志曰本秦京師爲內史分天下作三十六郡漢興

曰其郡太大稍復開置又立諸侯王國武帝開廣三邊故自高祖增二十六文景各六武帝二十八昭帝一訖於孝平凡郡國一百三今按漢郡之仍秦舊名

者河東 太原 上黨 東郡 潁川 南陽 南

郡 九江 鉅鹿 齊郡 琅邪 會稽 漢中

蜀郡 巴郡 隴西 北地 上郡 雲中 鴈門

代郡 上谷 漁陽 右北平 遼西 遼東

長沙國

志云高帝五年爲國

凡二十七郡其仍秦郡而更名者

河南

秦三川

沛郡

秦泗水

東海

志云高帝置師古引應劭云秦郯郡說見上秦郡下

丹楊

志云故鄣郡武帝元封二年更名丹楊按續漢志丹楊郡下劉昭注云秦鄣郡又於故鄣下注

云秦郡郡所治是鄣郡為秦置高武陵志云高帝置
帝時尚仍舊名而武帝始更名也按續漢志武
陵郡注秦昭王置名黔中郡高帝五年更名攷秦本
紀昭襄王二十年蜀守若伐取巫郡及江南為黔中
郡舊唐書地理志沅陽下注云漢辰陽縣地屬武陵
郡本秦黔中郡縣也是高帝改秦黔中為武陵也
五原秦九趙國秦邯梁國秦碭魯國秦薛凡九郡合

之為三十六郡其高祖所增者京兆尹志云故秦內

更為渭南郡武帝建元六年分為右內史左馮翊
太初元年更為京兆尹是高帝置渭南郡志

故秦內史高帝二年更名河上郡武帝建元六年分

為左內史太初元年更名左馮翊是高帝置河上郡

右扶風建元六年分為右內史太初元年更名為中地郡武帝

都尉為右扶風是河內汝南江夏魏郡常
高帝置中地郡
山本恒山避文帝清河涿郡渤海平原千

讀書偶記 卷八 六

為膠西國宣帝本始元年更城陽國志云故齊文帝

為高密國是文帝置膠西國

是為文帝所增六郡景帝所增者山陽志云故梁景

為山陽國武帝建濟陰志云故梁景帝中六年別為

元五年別為郡

定陶按志不言何時為郡攷諸侯王表綏和元年以

楚孝王孫景為定陶王奉共王後哀帝建平二年徙

信都又哀帝紀建平二年詔曰定陶共皇之號不宜

復稱定陶又云遂塋定陶發陳留濟陰近郡國五萬

人穿復土則罷國北海志云景帝廣平國志云武帝

為郡必在是年

置為平干國宣帝五鳳二年復故按鄆道元漳水注

云秦鉅鹿郡景帝中元元年為廣平郡武帝征和二

年以封趙敬肅王子頃王偃為平干國攷諸侯王表

五鳳二年繆王元坐殺謁者會薨不得代則廢平干

國復為廣平郡在五鳳二年也表又云建平三年以

廣德夷王雲客弟漢紹封廣平則又以廣平郡復置

廣平國在哀帝時志不言景帝始分鉅鹿置廣平郡

又不言哀帝復以廣平郡置廣平國皆有漏何疑

東平國

志云故梁國景帝中六年別為濟東國武帝元鼎元年為大河郡宣帝甘露二年為東平

國是景帝

廣陵國

志云高帝六年屬荊州十一年更屬吳景帝四年更屬荊州武帝元

狩三年更名廣陵

按屬荊州

字衍也屬荊屬吳明

其地未為郡未為國也

攷諸侯王表

蓋景帝四年始

置江都國以徙封其子非其嗣王建謀反自殺而武

帝元狩六年更名廣陵國

以封其子胥也志云三年

更名廣陵者建以元狩二年自殺其

是為景帝所增

時當為廣陵郡也是景帝置江都國

六郡武帝所增者宏農

陳留

志云武帝元狩元年

置者據酈道元濟水注引應劭曰濟川今陳留濟陽

縣景帝中六年分梁為濟川國梁分為五惟濟川不

見於志以為郡故志畧之自當從志以陳留為武帝置

臨淮

零陵

犍為

越雋

益州郡

牂柯

武

都

天水

武威

張掖

酒泉

敦煌

安定

西河 朔方 元菟 樂浪 南海

志云秦置秦敗尉佗王此地武

帝元鼎六年開鬱林 志云故秦桂林郡屬尉蒼梧 交趾

合浦 九真 日南 志云故秦象郡武真定國 泗

水國是爲武帝所增二十八郡其爲昭帝所增者金

城一郡合之爲一百三郡按諸侯王表尚有廣德廣

世廣宗三國而班志不列者以其爲平帝元始二年

所封出於王莽之意也王子侯表云王莽擅朝僞褒

宗室侯及王之孫焉居攝而愈多非其正故不錄此

不列三國者卽此意也

晉書地理志云秦凡四十郡漢祖分內史爲三部更

置郡國二十有三文增厥九景加其四武帝初置十七後增十四昭帝又增其一凡新置郡國七十有一與秦四十合一百一十有一顯與班志牴牾後儒雖知其誤而亦不信班志欲爲之彌縫以求其合是益之誤也今並不錄而但疏晉志之失焉晉志秦四十四郡數內史而不數郾郡乃數東海郡於高祖所置之內故多一郡其失一也秦閬中郡漢虛其地而仍數之故多一郡其失二也旣於秦郡數碭又於漢郡數梁旣於秦郡數南海桂林象郡又於漢郡數南海鬱林日南故多四郡其失三也珠崖儋耳沈黎汶山皆

漢已罷之郡而仍數之故多四郡其失四也漢有真定泗水二國而反不數其失五也凡較班志多十郡少二郡故爲一百一十有一而多八郡焉其他於各帝所置不能深攷而參差違失不可勝數又不足論

侯國二百四十一

班志云侯國二百四十一而自注者一百九十有四余以王子侯表功臣侯表外戚恩澤侯表參攷以補之雖不能合二百四十一之數而所得者亦多矣後乃見錢竹汀先生漢書攷異先得我心欲盡刪棄而但取錢氏所遺及與錢異說者存之弟繩祖曰天下

能聚書者或不能觀能觀書者多不能聚使後有觀書而不能得錢氏攷異以証之則反致憾於所說之不詳矣但仍其舊勿沒其善其可乎余然其言因備錄之

河東郡

驥

駒幾

東郡

陽平

王禁錢云志失注

陳留郡

長羅

常惠

潁川郡 三

成安 郭忠

周承休 姬延年

陽城

平干項王子田按志有兩陽城一屬汝南一屬潁川不知田所封果在何郡今姑注於此

而以汝南者注劉德所封錢氏不從表作陽城而以廣平國之陽臺當之蓋以頃王子多封廣平而又平干之舊其說自長但攷諸王子不盡在一郡而頃王之子其廢絕者亦多在他郡故不欲易表之陽城為陽臺也雖然此陽城班未自注侯國博雅者當更攷之耳

汝南郡 九

陽城

劉德

安成 王崇

宜春

王訢

弋陽 任官

歸德

先賢撰

安昌 張禹

安陽

王音

博陽

丙吉

成陽

趙臨按臨之子新免徙遼西在哀帝建平元年班志云迄於孝平似不當數錢云志所書侯國蓋終於成帝元延之末然頗參差不合今姑從之而說見後

南陽郡

九

鄧

蕭何

博山

孔光按班自注侯國哀帝置故順陽則元延之末但有順陽而無博山此與成陽趙臨已參差不合矣且王子侯表自有膠東項王子共封順陽至王莽時始絕則哀帝但分順陽置博山以侯孔光而順陽故在應劭曰漢明帝改曰順陽師古曰順陽舊名應說非然師古雖知應說之非而不知順陽之封自在由此言之則班志闕順陽一國矣

安衆

長沙定王子丹

舂陵

長沙定王子買

新都 王莽

紅陽 王立

樂成 許延壽

博望 許舜

復陽 長沙頃王子延年

南郡 一

高成 長沙頃王子梁錢云志失注表作高城勃海有
高城與長沙太遠余按表兩見高城節侯

梁其子孫嗣者名皆同惟一於始元五年封
一於元康元年封為異疑表之複出也

江夏郡 一

鍾武 長沙頃王子度

廬江郡 一

松茲 六安共王子霸

九江郡 三

當塗 魏不害

博鄉 六安繆王子交

曲陽 王根

山陽郡 十二

城都 王商錢云
表作成都

黃 梁敬王子順錢
云表在濟陰

爰戚 趙長年

郃成 王奉光錢云封邛成侯宋祁曰郃當作邛表
在濟陰余按郃成班自注曰莽曰告成郃告

聲近不應為邛又續漢志濟陰成武下有郃
城蓋省郃成入成武亦一証也然傳作邛皇
太后亦稱邛成皇太后疑傳與表皆誤不然
則邛成自以嘉名封非侯國而封郃成者不
見于表也

中鄉

梁敬王子延年

平樂

梁敬王子遷

鄭

梁敬王子罷軍

瑕邱

魯共王子政志失注按表作瑕邱而錢氏不從欲以沛郡之敬邱易之余亦不敢從也

留鄉

梁敬王子就錢云表在濟南

栗鄉

東平思王子護

曲鄉

梁荒王子鳳錢云表在濟南

西陽

東平思王子金錢云表在東萊

沛郡

十六

廣戚

楚孝王子勲

公邱

魯共王子順

敬邱

表未見

浹

趙敬肅王子周舍

建成

黃霸

建平

杜延年錢云表在濟陽

栗

趙敬肅王子樂

扶陽

韋賢

高 梁敬王子舜

高柴 梁敬王子發

漂陽 梁敬王子欽 錢云 志失注表作漂陽 平阿 王譚

東鄉 梁敬王子方 臨都 梁敬王子未央 錢云志失注

義成 甘延壽 錢云志失注 余按胡三省通鑑注云地理志沛郡有義成侯國則宋本注較詳也

祁鄉 梁夷王子賢

魏郡

卽裴 趙敬肅王子道 錢 邯鄲 趙敬肅王子仁 云表擲裴在東海

平恩 許廣漢 邯溝 趙頃王子偃 錢 云表作邯溝

鉅鹿郡 八

象氏 趙敬肅王子賀 新市 廣川 繆王子吉

安定

燕刺王子賢

歷鄉

廣川繆王子必勝

樂信

廣川繆王子疆

武陶

廣川繆王子朝

柏鄉

趙哀王子買

安鄉

趙哀王子喜

常山郡

五

桑中

趙頃王子廣漢

封斯

趙敬肅王子胡傷

樂陽

趙頃王子說

平臺

史元

都鄉

趙頃王子景錢
云表在東海

清河郡

二

東陽

清河綱王子宏

信鄉

清河綱王子豹

涿郡

十三

讀書偶記 卷八

十三

廣望

中山靖王子忠

州鄉

河間獻王子禁

樊輿

中山靖王子修

成

中山康王子喜

良鄉

志未見錢云趙共王子交封梁鄉侯或卽此
余按錢不數綬和以後封者今舉梁鄉侯交
以當此是自亂其例也

利鄉

中山頃王子安
錢云表在常山

臨鄉

廣陽頃王子雲

益昌

廣陽頃王子晏

陽鄉

廣陽頃王子發

西鄉

廣陽頃王子容

阿武

河間獻王子豫

高郭

河間獻王子睦

新昌

燕刺王子慶

勃海郡

七

定

齊孝士子越

參戶

河間獻王子免

柳齊孝王子陽已

臨樂 中山靖王子光

脩市 清河綱王子寅

景成 河間獻王子雍

章鄉 鍾祖錢云表作童鄉余按元始元年謝殷封章鄉侯疑表作童鄉者誤

平原郡 七

平昌 王無故

羽 濟北式王子

富平 張安世

合陽 梁喜

樓虛 訾順

龍額 韓增

安 濟北貞王子樂錢曰表作安陽侯姑曰陽應作安 煬謚也余按錢說是也

千乘郡 五

平安 王舜錢曰表作安平史記將相名臣表本作平安漢表誤也余按錢說是也

被陽 齊孝王子燕

高昌 董忠志失注

繁安 齊孝王子忠

延鄉 李譚錢云志失注

濟南郡 三

朝陽 廣陵厲王子聖

琥 趙敬肅王子忠

宜成 燕倉錢云表作宜城在濟陰余按南郡有宜城未著侯國始從錢說

泰山郡 七

柴 齊孝王子代

寧陽 魯共王子愐

桑邱 東平思王子頃表
作桑邱誤志失注
富陽 東平思王子萌
錢云志失注

桃山 城陽孝王子欽

桃鄉 東平思王子宣

式 城陽荒王子憲
錢云志失注

齊郡 王

廣 菑川孝王子便

廣 饒 菑川靖王子國

北鄉 菑川孝王子譚

平廣 菑川孝王子服錢
云封平侯當卽此

臺鄉 菑川孝王子吟
錢云志失注

北海郡 十七

劇魁 菑川懿王子黑

輒 城陽頃王子息

劇 菑川懿王子錯

平望 菑川懿王子賞

平的 菑川懿王子彊

柳泉 膠東戴王子彊

樂望 膠東戴王子光

饒 錢云膠東戴王子表有
成侯饒當爲饒侯成也

平城 膠東頃王子邑

密鄉 膠東頃王子林

羊石

膠東頃王子同

樂都

膠東頃王子訢

石鄉

膠東頃王子理

上鄉

膠東頃王子歙

新成

膠東頃王子根
錢云表作新城

成鄉

高密頃王子安

膠陽

高密頃王子恁

東萊郡

五

平度

菑川懿王子行
錢云志失注

臨胸

菑川懿王子奴
錢云表在東海志失注
余按齊郡亦有臨胸志亦未注

牟平

齊孝王子濞
錢云志失注

陽樂

錢云膠東頃王子獲
封樂陽侯即此是也

徐鄉

膠東共王子煥
錢云志失注表在齊

琅邪郡

三十一

虛水 城陽頃王子禹

臨原 苗川懿王子始昌表

祓 表未見

餅 苗川靖王子成

雱段 城陽頃王子澤表

雲 齊孝王子信

稻 齊孝王子定

皋虞 膠東康王子建

魏其 膠東康王子昌

茲鄉 城陽荒王子宏

箕 城陽荒王子文

高廣 城陽荒王子勳

高鄉 城陽惠王子休

柔 表未見

卽來 城陽荒王子佼

麗 錢云高密共王子賜封

武鄉 高密頃王子慶

伊鄉 城陽戴王子遷

新山 稱忠

高陽 薛宣

昆山 城陽荒王子光

參封 城陽戴王子嗣

折泉 城陽荒王子根

博石 城陽荒王子淵

房山 城陽荒王子勇

慎鄉 錢云表未見

駟望 冷廣

安邱 膠密頃王子常

高陵 翟方進

臨安 膠東共王子閔

石山 城陽戴王子元

東海郡 十九

蘭陵 廣陵孝王子宜志失注按表作蘭陵而錢氏不從欲以臨淮之蘭陽易之余亦不敢從也

良成 魯安王子文德
蘭祺 魯安王子臨朝
錢云表作蘭旗

南成 城陽共王子貞
錢云表作南城

山鄉 魯孝王子綰

建鄉

魯頃王子康

容邱

魯安王子方山

東鄉

魯孝王子彊

建陽

魯孝王子咸

于鄉

泗水勤王子定

平曲

廣陵厲王子曾

都陽

城陽戴王子音

陰平

楚孝王子回

郛鄉

魯頃王子閔

武陽

史丹

新陽

魯頃王子永

建陵

魯孝王子遂

昌慮

魯孝王子宏錢

都平

城陽荒王子邱

臨淮郡

八

西平

于定國錢云志失注余按汝南亦有西平志

高平

王逢時

開陵

成婉

昌陽

泗水侯王子霸

廣平

廣陵孝王子德

蘭陽

表未見

襄平

廣陽厲王子疊劉攽曰廣陽無厲王當爲廣陵是也

樂陵

史高

豫章郡

二

海昏

昌邑哀王子賀錢云志失注

安平

長沙孝王子習錢云表在鉅鹿誤

桂陽郡

二

陽山

長沙孝王子宗

陰山

錢云表未見

零陵郡

三

夫夷

長沙定王子義錢云志失注

都梁

長沙定王子定

泉陵

長沙定王子賢錢云
表作衆陵誤是也

廣平國

七

南曲

清河綱王子遷
錢云志失注

曲梁

平千頃王子敬
錢云表在魏郡

廣鄉

平千頃王子明
表在鉅鹿志失注
錢云

平利

平千頃王子世
表在魏郡志失注
錢云

平鄉

平千頃王子王
表在魏郡志失注
錢云

陽臺

志未見

城鄉

平千頃王子慶
表作成鄉志失注
錢云

信都國

六

樂鄉

河間獻王子佟
表在鉅鹿鄉誤作卿
錢云

平隄

河間獻王子招
表在鉅鹿

桃

廣川繆王子良
表在鉅鹿志失注
錢云

讀書偶記

卷八

西梁

廣川戴王子闕兵

昌成

廣川繆王子元

東昌

清河綱王子成

以上班注一百九十四錢補二十六余增四焉然錢

以為志所書侯國終於成帝元延之末而班注博山

為侯國哀帝置則亦未必然也且如錢說亦當去博

山而增順陽

錢誤以順陽為頃陽注於表有而志未見者蓋所見本不同也餘詳博山下

今以表有而志未見者參攷之則利昌侯嘉

代共卑

梁侯都

高密頃

懷昌侯高遂

苗川懿

昌鄉侯憲

膠東頃王

子

陵石侯慶

膠東共

都成侯金安上安遠侯鄭吉

表在

慎

爰氏侯便樂成

表在

樂昌侯王武

表在南頓

凡九又以

綏和元年所封參攷之安國侯吉

趙共王子中襄鄉山國有安國

侯福容鄉侯強緼鄉侯固

皆趙共王子

廣昌侯賀都安侯

普樂平侯永

皆河間孝王子

方鄉侯常得

廣陽惠王子

殷紹嘉侯

孔何齊

表在沛

汜鄉侯何武

傳云以犍之博望鄉爲汜鄉國

凡十其哀

帝卽位以後則不錄而終不可合於二百四十一之

數縣邑遷改并省又如汜鄉祇是鄉非邑不可注故

不合然所失亦僅矣

光武省并十三國

後漢書光武帝紀建武十三年省并西京十三國廣平屬鉅鹿眞定屬常山河間屬信都城陽屬琅邪泗

水屬廣陵淄川屬高密膠東屬北海陸安屬廬江廣陽屬上谷章懷注曰據此惟有九國云十三誤也晉書地理志云光武投戈之歲在彫耗之辰郡國蕭條并省者八城陽淄川高密膠東六安真定泗水廣陽玉海謂晉志廣陽當作廣平續漢書郡國志光武省郡國十而晉志言八蓋後復河間廣陽余按續漢志北海國下注云建武十三年菑川高密膠東以其縣屬是高密在省并之內其文當云淄川高密膠東屬北海而云淄川屬高密膠東屬北海者誤也是爲十國又長沙王興降爲臨淄侯中山王茂降爲單父侯

長沙爲郡中山於三十年復爲國則是時亦省爲郡
皆十三年中事共十二國十三乃十二之誤章懷注
未晰也至帝紀言十二郡國志言十帝紀所言者國
志乃兼郡國言之故不數長沙中山之省爲郡者而
言十耳諸家言畧有所未及也